



Gieddegeašgálgu

Gieddegeašgálgu lei dakkár guhte diđii mii gean birra dáhpáhuvai. Son lei dakkár dego Ip-mil guhte buot diđii mii gean birra dáhpáhuvai dahje mii gos šattai. Sus lei álggos boadnjá, muhto de jámii boadnjá ja son bázii okto. De son das maŋŋá ásai luođus okto. Ii son dáhtton ovttage alccesis eallinguoibmin. Muhto go olbmuide mii nu šaddá hehtin, de sii mannet Gieddegeašgálguin árvalit maid dat diehtá dan birra. De Gieddegeašgálgu dan birra buot smiehtá ja hutká.

Lea duohta ahte dalle goas Gieddegeašgálgu lei, de dalle sii jáhkke bures sutnje, aiddo seammá go dál jáhkket boares gálguid ja boares boadnjáid gieldimiid ja rávvagiid. Dasgo muhtimat ballet dainna vel buorebut go jápmimis. Dasgo min máttarádját ja máttaráhkut leat min ná oahpahan, ahte nu galgá bargat mo sii leat rávven dahje máinnastan dahje cuiggodan. De fertejit mánát dahje nuorat daid jáhkket, seammá go dovle jáhkke Gieddegeašgálgu.

BOARES MÁNNAS.



BEAIVVÁS/BEAIVI SÁRGOJUUVON POALA-ÁNDDE GOAVDÁI.